

no. 10

DECLARATION DE LA VOLONTE DV

ROY FAITTE DEPVIS
son departement
de Paris.



A PARIS,

Pour la vesue Nicolas Roffet, sur
le pont Sain& Michel, à la
Roze blanche.

Iouxte la copie Imprimee à Chartres.

M. D. LXXXVIII.

ON

A TABLE

DE PAR LE ROY.

NOSTRE AME ET FEAL.
Nous estions en nostre
ville de Paris, où nous ne
pensions à autre chose
qu'à faire cesser toutes sortes de
ialousies & empeschement du costé
de Picardie & ailleurs, qui retar-
doient nostre acheminemet en no-
stre Pays de Poictou, pour y pour-
suiure la guerre encommencée cō-
tre les Huguenots, suyuant nostre
deliberatiō. Quād nostre cousin le
Duc de Guyse y arriua à nostre des-
cēu, le neufiesme de ce mois. Sa ve-
nue en ceste sorte augmenta telle-
mēt lesdites deffiances q̄ nous nous
en trouuâmes en bien grāde peine,
parce que nous auions au parauāt
estéaduertis d'infinis endroits qu'il

y deuoit arriuer de ceste façon , & qu'il y estoit attendu par aucuns des habitans de ladite ville , qui estoient soupçonnez d'estre cause desdites deffiances: Et luy auions à ceste occasion fait dire au parauant que nous ne desirions pas qu'il y vint , que nous n'eussions composé les troubles de Picardie & leué les occasions desdites deffiances. Toutefois cōsiderant qu'il estoit venu seullement accompagné de quatorze ou quinze cheuaux: Nous ne voulusmes pas laisser de le veoir, pour essayer à faire avec luy q̄ les causes desdites deffiances & troubles de Picardie fussent ostées. Aquoy voyans que nous n'aduanciōs guerres, & que d'ailleurs nostre dite ville se remplissoit tous les jours de Gētilshommes & autres personnes estrāgeres qui se rallioyent à la suit-

te dudit Duc, que les recherches que nous auions commandé estre faites par la ville, par les Magistrats & Officiers d'icelle, ne se faisoient qu'à demy, pour la crainte en laquelle ils estoient: & aussi que les cœurs & volonteze d'aucuns desdits habitans faigrissoient & alteroient tous les jours de plus en plus, avec les aduertissemens ordinaires qui nous redoubloient journellement qu'il deuoit esclorre quelque grãd trouble en ladite ville. N o v s prismes resolution de faire faire lesdites recherches plus exactement par les quartiers d'icelle, que les precedentes, affin de descouurir & recognoistre au vray l'estat de la ville, & faire vider lesdits estrangers qui ne seroient aduouez comme ils deuoient estre. Pource faire no^r aduisesmes de renforcer certains corps de garde

des habitans & Bourgeois de ladite ville, que nous auions ordonné estre dressez en quatre ou cinq endroits d'icelle, des compagnies de Suysses & de celles du regiment de nostre garde, qui estoient logees aux faubours d'icelle, & de commander aussi à aucuns Seigneurs de nostre Cōseil & Cheualiers de nostre ordre du sainct Esprit, d'aller par les quartiers avec les quarterniers & autres officiers de ladite ville par lesquels l'on a accoustumé de faire faire lesdites recherches, pour les auctoriser & assister en icelles, cōme il c'est fait plusieurs fois, dont nous fismes aduertir ledit duc & tous ceux de ladite ville, affin que personne n'en prinst allarme & ne fust en doute de nostre intention en cest endroit. Ce que du cōmencement les habitans & bourgeois

de ladite ville feirent contenāce de
receuoir doucement. Toutesfois
quelques temps apres les choses
s'eschaufferēt de telle façō par l'in-
duction d'aucuns qui alloient se-
mant & imprimant au cœur desdits
habitans, que nous auīōs fait entrer
lesdites forces pour establir des
garnisōs estrangeres en ladite ville,
& leur faire encore pis, qu'ils les eu-
rent bien tost tellement animez &
irritez contre icelles, que si nous
n'eussions expressement deffendu à
ceux qui leur commandoyent de
n'attenter aucunes choses contre
lesdits habitāz, & d'endurer & souf-
frir plustost toutes les extremitiez
du monde, que de ce faire : Nous
croiōs certainemēt qu'il eust esté im-
possible d'euitier vn sac general de
ladite ville, avec vne tresgrā^{de} effu-
sion de sang.

Quoy voyant nous nous résolusmes de ne faire executer plus auant lesdites recherches cōmēcees, & de faire retirer quand & quand lesdites forces, que nous n'auions fait entrer que pour ceste seule occasion. Estât vray semblable que si nous eussions eu autre volonté nous l'eussions tētee & peut estre executée entieremēt selon nostre désir, deuant l'esmotion desdits habitās, & qu'ils eussent rendu les chesnes & dressé des barricades par les rues, cōme ils commencerent à faire incontinent apres midy, quasi en mesme temps par toutes lesdites rues de ladite ville, à ce instruits & excitez par aucuns Gentils hommes, Capitaines ou autres estrangers enuoyez par ledit Duc de Guÿse, qui se trouuerent en biē peu de temps departis & rangez par chacune des Dixaines pour cest effect.

Faisant

Faisant retirer lesdites compagnies
 Suysses & Françoises, il y eut à no-
 stre tref-grand regret quelques har-
 quebuzades tirees & coups ruez par
 lesdits habitans qui porterent prin-
 cipallemēt sur aucuns desdits Suyf-
 ses, que nous feismes retirer & loger
 ce soir là és enuiron de nostre Cha-
 steau du Louure, affin de voir ce que
 deuiendrait l'esmotion en laquelle
 estoient lesdits habitans, & feismes
 tout ce qu'il nous fut possible pour
 l'amortir, iusques à faire le lēdemain
 du tout sortir & retirer de ladite vil-
 le lesdites cōpagnies, reserué celles
 q̄ nous auīōs deuāt leur entrée posés
 en garde deuant nostre dit Chasteau
 du Louure, nous ayant esté remon-
 stré que cela contenteroit & pacifie-
 roit grandement lesdits habitans.
 Nous feismes aussi arrester quelque
 reste de compagnies de gens de pied

du regimēt de Picardie, qui estoiet toutesfois encores à sept ou huiet lieues de ladite ville, ensemble quelques Seigneurs & Gentilshommes nos seruiteurs, qui nous venoient trouuer, voyant que l'on en auoit donné vmbrage à ce peuple & que l'on se seruoit de ceste couleur pour esmouuoir d'auantage lesdits habitants. Neantmoins au lieu d'en veoir l'effect tel que nous attédions pour leur propre bien & nostre contentement, ils auroiet continué depuis à hausser d'auantage lesdites barricades, renforcer leurs gardes iour & nuict, & les approcher de nostre dit chasteau du Louure, iusques contre les sentinelles de nostre garde ordinaire, & mesmes se seroient saïs de l'hostel de ladite ville, ensemble des clefs de la porte saint Anthoine & autres portes d'icelle. De sorte


que les choses seroient passees si auant le 13. de ce mois, qu'il sēbloit qu'il n'estoit plus au pouuoir de personne d'empescher l'effect d'une plus grande violence & esmotiō iusques deuant nostre-dit Chasteau. Quoy voyant & ne voulant employer nosdictes forces contre lesdits habitans, pour nous auoir tousiours esté la conseruation de ladite ville & des bons Bourgeois & habitans d'icelle aussi chere & recommandee que celle de nostre propre vie, ainsi qu'ils ont esprouué en toutes occasions, & est tresnotoire à vn chacun. Nous nous resolusmes d'en partir ledict iour & plustost nous absenter & esloigner de la chose du monde, que nous aymons autant comme nous desirōs faire encores, que de la voir courre plus grand hazard & en receuoir aussi plus de desplaisir. Ayanr

supplié la Roynne nostre tres-hono-
 rée Dame & mere d'y demourer,
 pour veoir si par sa prudence & au-
 thorité elle pourra faire en nostre
 absence, pour assoupir ledit tumul-
 te, ce qu'elle n'a peu faire en nostre
 presence, quelque peine qu'elle y
 ayt employée. Et nous en sommes
 venuz en ceste ville de Chartres,
 d'où nous auons bien voulu incon-
 tinent vous faire la presente, pour
 vous prier de mettre en considera-
 tion la conséquence de ce faict, cō-
 bien il apportera de préiudice & de
 désauantage à la cause publique, &
 principallemēt à nostre sainte Re-
 ligion Catholique, Apostolique &
 Romaine, s'il passe plus auant puis
 que ceux qui auoient accoustumé
 de cōbattre ensemble pour la pro-
 pagation d'icelle, feront par cest ac-
 cident, s'il n'est réparé, des-vniz &

contraincts de tourner leurs armes
 les vns contre les autres. A quoy
 nous vous priôs de croire que nous
 ferons de nostre costé tout ce qu'il
 nous sera possible pour n'y tomber,
 tant a de puissance sur nous le zele
 que nous portons à nostredite Re-
 ligion, que nous auons assez fait pa-
 roistre jusques à present. Et vous
 prions & exhortons tant qu'il nous
 est possible, de faire prier Dieu en
 voz Eglises pour ceste reynion, &
 que l'obeissance qui nous est deuë
 nous soit cōseruée comme il appar-
 tient, & ne permettre que les habi-
 tans de nostre ville de

se desuoient du droit che-
 min d'icelle. Mais les admonester &
 confirmer à demeurer fermes &
 constants en leurs loyautéz enuers
 leur Roy en vnion & concorde
 tous ensemble, pour se maintenir &

conseruer ſoubz noſtre obeiſſance,
 & ne tombera aux inconueniens qui
 leur ſont preparez ſ'ils tiennent au-
 tre chemin : Et outre que vous fe-
 rez choſe digne de voſtre pruden-
 ce, fidelité, & deuoir, qui ſeruira de
 grand exemple à tous nos ſujets :
 Nous vous en ſçaurons gré & le re-
 cognoiſtrons à iamais enuers vous
 & les voſtres. **D O N N E** à Chartres,
 Le **viij** jour de May,
 mil cinq cens quatre vingts & huit.



Declaracion

Del Collante Du Roy